

«MOTTAKERNAVN»

«ADRESSE»

«POSTNR» «POSTSTED»

Trondheim, 05.11.2018

Dykker ref.:

[Dykker ref.]

Vår ref. (bes oppgitt ved svar):

2017/13155

Sakshandsamar:

Johan Danielsen

## Avgjerd i klagesak - klage på løyve til utsetting av lutzgran i på gnr/bnr 13/1 Lødingen kommune

**Miljødirektoratet opprettheld med nokre endringar, Fylkesmannen i Nordland sitt vedtak av 03.05.2016 om å gi Gunnar Ellingsen løyve til utsetting av lutzgran i Lødingen kommune. Endringa er unntak av det arealet som Ellingsen trekker frå denne søknaden. Miljødirektoratet kommer som fylkesmannen til at utsetting av lutzgran på dette arealet og under de i løyvet gitte vilkår, ikkje fører til for store uheldige følger for naturmangfaldet. Klager får ikkje medhald**

Vi viser til klage frå Naturvernforbundet, SABIMA og WWF på Fylkesmannen i Nordlands vedtak av 03.05.2016. Miljødirektoratet fekk klagesaka frå Fylkesmannen i brev av 19.12.2017. På grunn av uklare eigedomstilhøve i upplantingsområdet har sakshandsaminga trekt ut, saka har i tillegg blitt liggande her. Vi er lei for at dette.

### Sakens bakgrunn

Fylkesmannen i Nordland ga i vedtak av 03.05.2016 Gunnar Ellingsen (søker) løyve til utsetting av 10 000 planter av lutzgran (*Picea lutzii*) til skogproduksjon på om lag 50 daa skogsmark på gnr./bnr. 13/1 i Lødingen kommune, jf. forskrift 25. mai 2012 nr. 460 om utsetting av utanlandske treslag til skogbruksformål §§ 5 og 7.

Naturvernforbundet, SABIMA og WWF (klager) klaga på vedtaket den 24.05.2016. Fylkesmannen opprettheldt vedtaket, og sendte klagesaka til endeleg avgjerd hos Miljødirektoratet.

### Merknader frå klager

Klagen er grunngjeven slik:

- Lutzgran er feilplassert i Svartelista til Artsdatabanken med LO-låg risiko, ettersom den er svært lik sitkagran og mistanke om at lutz- og sitkagran verker på miljøet på same måte.
- Fråvær av opplysningar om naturkvaliteter rundt tyder på at det ikkje er kartlagt og at det kan være store naturverdiar i området og at ein burde vald ein mindre risikofylt art som norsk gran.
- Samla belastning er ikkje vurdert i vedtaket frå fylkesmannen.

- Det er planlagt planting i et område utan sitka- og lutzplanting på frå før.

#### Fylkesmannens vurdering

Vilkåra for klage er oppfylt både i forhold til klageinteresse og tidsfrist. Fylkesmannen tilbakeviser at manglande kartlegging er relevant ut frå en vurdering av markslag og berggrunn. Disse gir ikke grunn til å forvente spesielle naturverdiar i området.

Frå fylkesmannen si side peikast det på at i Bresjedalen alt er fleire plantefelt med sitka- og lutzgran. Fylkesmannen ser ikke bort frå at spreying til områda rundt kan skje, men meiner at det vil være lett for grunneigar å avbøte dette ved å fjerne spreying.

#### Lovgrunnlaget

Formålet med forskrift 25. mai 2012 nr. 466 om utsetting av utanlandske treslag til skogbruksformål (forskriften) er å hindre at utsetting av utanlandske treslag medfører eller kan medføre uheldige følger for naturmangfaldet, jf. § 1. Etter § 5 er det krav om løyve til utsetting av utanlandske treslag til skogbruksformål. Vurdering av løyve til utsetting, skal ein vege omsynet til uheldige følger for naturmangfaldet, jf. § 7 første ledd, opp mot andre viktige samfunnsinteresser, jf. naturmangfaldlova (nml.) § 14. Prinsippa i nml. § 8 til 12 leggast til grunn som retningslinjer for vurderinga, jf. nml. § 7.

#### Kunnskap om lutzgran

Lutzgran er hybrid mellom sitkagran (*Picea sitchensis*) og kvitgran (*P. glauca*) som gjev spiredyktige frø. I Artsdatabanken si risikovurdering frå 2018 har den fått svært høg økologisk risiko (SE). I Artsdatabanken sitt faktaark står det at lutzgran toler skygge godt og er tilpassa kystklimaet i Noreg. Økologiske sett er den lik sitkagran, men toler kalde vintre betre. Lutzgran kan krysse seg med sitkagran. Det er rapportert om spreying av lutzgran frå planta bestandar i Nordland og Troms.

NINA-rapport 1231 (2016) viser at lutzgran spreier seg utanfor plantefelt og etablerer seg i en rekke ulike naturtypar i Nordland. I tillegg har Norsk Botanisk Forening i Nordland i 2015 påvist betydeleg spreying av lutzgran i fleire ulike naturtypar (Anon 2015 og Østerkløft 2015; vårt Saksnr 2015/1514).

#### Miljødirektoratet si sakshandsaming og vurdering

Miljødirektoratet merker seg at klaga ikke er gitt oppsettande verknad. Klaga som er dagsett 24.05.2016 ble sendt til Miljødirektoratet for endeleg handsaming 19.12.2017. Vi oppdaga at omlag en tredel av området det er søkt om planting på ligg utanfor det som er kartfesta som gnr/bnr 13/1 i digitalt kartverk slik det ligg føre i "Gårdskart" og i "Norgeskart". Vi gjorde det klart at vi ikke kunne handsame saken utan at egetilhøva for dette området er avklart i nettpost til fylkesmannen dagsett 23.01.2018. Søkar justerte søknaden i nettpost dagsett 19.02.2018 og tek sikte på å plante berre på det arealet som er innanfor grensa slik det er markert i kart vedlagt nettposten.

Miljødirektoratet legger til grunn at verken utsettingsområdet eller områda rundt har kartfesta naturkvalitetar. Fylkesmannen i Nordland vurdere at areala i utsettingsområdet og områda rundt er slik at det er lite truleg at det er vesentlege og sårbare naturverdiar der. Det er Miljødirektoratet sin vurdering at sjølv om det aktuelle området med fordel kunne vært betre kartlagt, er det nok kunnskap om naturen i og rundt utplantingsområdet. Naturmangfoldlovens § 8 seier at kunnskapsgrunnlaget skal stå i et rimeleg forhold til sakens karakter og risiko for skade på naturmangfald. Vi tillegg derfor ikke føre var-prinsippet vekt i saken, jf. nml. § 9. Sjølv om det finnes fleire plantefelt med norsk gran og utanlandske treslag i området, finn Miljødirektoratet at utplantinga det er søkt om i liten grad vil auke den samla belastninga på økosystemet i området, jf. nml. § 10. Ettersom faren for uheldige følger for naturmangfaldet vurderast som liten i denne saken, legger Miljødirektoratet meir vekt på eventuell nytteverdi for søker, enn på omsynet til å unngå moglege uheldige følger for naturmangfaldet i denne saken, jf. nml. § 14. Eventuelle moglege uheldige følger for naturmangfaldet kan, etter Miljødirektoratets syn, avbøtast gjennom vilkår i løyvet.

#### Vedtak

Miljødirektoratet stadfester Fylkesmannen i Nordlands vedtak av 03.05.2016, jf. forvaltningsloven § 34 fjerde ledd. Gunnar Ellingsen gis løyve til utsetting av lutzgran (*Picea lutzii*) til skogproduksjon på

den delen av feltet som ligg innanfor grensa for eigedomen slik denne kommer fram på digitalt kart i "Gårdskart" og i "Norgeskart" på gnr./bnr. 13/1 i Lødingen kommune, jf. forskrift 25. mai 2012 nr. 460 om utsetting av utanlandske treslag til skogbruksformål §§ 5 og 7. Jamfør og kart vedlagt nettpost frå søker dagsett 19.02.2018. Areal og tal på planter skal justerast i høve til kartfesta areal og talet planter det vart søkt om (10 000). Talet planter skal reduserast prosentvis i høve til reduksjon i areal. Vilkåra gjeven av fylkesmannen i løyve dagsett 03.05.2016 som ikkje gjeld areal og talet på planter gjeld. Dersom søker i framtida kan dokumentera eigerett til arealet som er trekt ifrå i denne saka og ønsker å plante lutzgran på dette, må det søkast om nytt løyve.

Miljødirektorats vedtak er endeleg og kan ikkje klages vidare, jf. forvaltningslova § 28 tredje ledd.

Hilsen

**Miljødirektoratet**

*Dette dokumentet er elektronisk godkjent og har derfor ingen signatur*

Yngve Svarte  
avdelingsdirektør

Bjarte Rambjør Heide  
seksjonsleder

Tenk miljø - velg digital postkasse frå e-Boks eller Digipost på [www.norge.no](http://www.norge.no).

Kopi til:

Fylkesmannen i Nordland	Moloveien 10	8002	Bodø
Lødingen kommune	Boks 83	8551	Lødingen
Sortland kommune	Postboks 117	8401	Sortland
Gunnar Ellingsen	Vågehamn	8412	Vestbygd